

1585 quiescentibus, omnia Europæ arma in Belgium confluxerant, in quo non minori virtute, quam felicitate Alexander Dux Parmensis pro Catholico Rege acriter dimicans, suos militiæ progressus egregiis actionibus nobilitaverat. At in Gallia, Francisco Alenconio, Henrici Regis fratre, vita functo, jam ex erumpere suspiciones coepere, quæ ambigua atque incerta pace oblectæ, potius consopitæ, quam extinctæ fuerant; Gallorum ad regni successionem erectis animis, cum Henricus Tertius ex Valesia gente absque liberis tantum superstes esset; atque in spem regni proximus Cantabrorum Rex, Vandomi Princeps, ex Borbonia familia, Salicæ legis jure, uti regiæ stirpis agnatione Henrico Tertio propinquus haberetur: cui obstare videbatur, quod a catholica religione alienus, Ugonottarum se ducem gereret, nemini ad regium fastigium, nisi Catholico aditu patente; quod ita institutum sit, ut cum Reges consecrantur, Catholicam Romanam religionem defensores jurejurando polliceantur. His permoti Guisiani Principes, atque ex eademmet Borbonia gente nonnulli, arcum inter se foedus, jurejurando interposito, percussere, quo nunquam, Henrico defuncto, Navarræ, aut alicui, qui a prisca religione descivisset, regnum permisuros obstringebantur. Foederis ineundi causas esse vulgabant, quod Navarræ Rex cum in Gallia tum extra milites cogeret; arces una cum aliis foederatis ex postremæ pacis conditionibus non restitueret; legationes ad Germanos Protestantes Principes mitteret, eosque ad opprimendam catholicam religionem sollicitaret; Catholici omnes, in primisque Henrici Tertii ministri opprimerentur, ut, iis amotis, tutius in proventus ecclesiasticos invaderet, omnibusque regni muneribus potiretur; conventu Blæsas magna spe stabiliendæ pacis vocato, Henricum, catholicam religionem incolumem servare adnitentem, malevolorum hominum consilio de sententia dejectum; qui Catholicorum potentiam imminuendam, ecclesiasticos decumis atque aliis vectigalibus fatigandos censerent.

*Franciscus
Alenconius
Ducis obiit.*

*Fœdus inter
Guisios
et alios
Gallos pro-
curas.*

His, atque aliis de causis, quæ prolixè, scripto vulgato, exaraverant, Carolus Cardinalis Borbonius, e regio stemmate Henrico propinquior, Galliæ primas, cujus præcipuum munus est, ne quid catholica religio detrimenti patiatur, cave-
re;